



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Philosophistæ Seu Excerpta Pauca Ex Multis Libris,
Thesibus, Dictatis Theologicis**

[S.l.], [ca. 1692]

1683. Idem

urn:nbn:de:hbz:466:1-39173

II. PARS Idem porrò P. De Hornes in iisdem Thesibus ultrò admittit ignorantiam Dei invincibilem etiam diuturnam. Sic enim habet in I. Conclusione: Cùm hi discursus (quibus probatur Deum existere) non sint tam faciles, hominesque inveniantur in silvis enutriti adeo hebetes & stupidi, ut res minus subtile exemplis etiam propositas non capiant, facile conficies posse NON PAUCOS DIU INVINCIBILITER non assequi notitiam Dei perfectam: imò spectatâ tantum naturâ humanâ etiam imperfectam, v. g. sub ratione omnium creatoris, gubernatoris &c.

COLLEGIUM LOVANIENSE.

1680. b PATER POLENTER in Thesibus anni 1680. die 23. mensis Julii num. 13. Reprobos æterni propriè dicti ignis pœnâ puniendos, veritas est Catholica: illam verò pœnam peccatum Philosophicum probabiliter non meretur.

IDEM COLL. LOVAN.

1680. PHILIPPEUS DE VOS doctrinam illam sustinuit in
 1681. quinque Thesibus publicis sub ipso defensis ab anno
 1682. 1689. usque ad annum 1683. è duabus, qua defensa
 1683. sunt anno 1682. prior, qua est mensis Julii, sensus
 rem explicat: Peccatum Philosophicum, ut vocant,
 seu quod contra legem naturæ cognitam committitur; at cum Dei ejusque legis ignorantia invincibili, nequaquam offensa Dei formalis est, neque meretur pœnam sensus æternam. In aliis breviis:
 Peccatum Philosophicum neque est formalis offensa
 Dei, neque pœnas sensus meretur æternas.

*Idem P. De Vos in Thesibus anni 1680. fieri posse
 affirmat*

affirmat ut quis sibi viribusque naturæ relictus alii tempore, saltem exiguo, ignoraret invincibiliter Deum existere. Imò verò in Thesi a. 1681. docet: Quòd fieri potest, etiam spectatis ordinariis gratiæ auxiliis, ut homo aliquis rationis compos & baptizatus Deum tempore saltem aliquo invincibiliter ignoraret.

IDEM COLLEG. LOVANIENSE.

P. JOSEPHUS DE REUX *in Thesibus defensis an. 1685.*
1685. 10. Julii num. 12. Peccatum, *inquit*, Philosophicum, ut vocant, non est formalis offensa Dei, neque adeò meretur pœnam sensū æternam.

COLLEGIUM DIVIONENSE.

FRANCISCUS MUNIER. *Hic Vir, hic est, qui famosam Thesim Divionensem mense Junio 1686. propugnandam exposuit in aula majore Collegii Divi Godranii Societatis Jesu. Constat illa octo positionibus, quarum hac prima est: PECCATUM PHILOSOPHICUM seu morale, est actus humanus disconveniens naturæ rationali & rectæ rationi. Theologicum verò & mortale est transgressio libera legis divinæ. Philosophicum quantumvis grave, in illo qui Deum vel ignorat, vel actu non cogitat, est grave peccatum, sed non est offensa Dei, neque peccatum mortale dissolvens amicitiam Dei, neque æternâ pœnâ dignum.*

COLLEGIUM LOVAN.

PATER HELLINX *in Thesi defensa anno 1686. 25. Junii num. 12. aliâ phrasi idem exprimit: Peccatum, ut vocant, Philosophicum, non est formalis offensa Dei,*